

ՀԱՆՐԱՅԻՆ ԳՅՈՒՂԱՏՆՏԵՍՈՒԹՅԱՆ ԶԱՐԴԱՅՄԱՆ ՄԻ ՔԱՆԻ ՄԻՏՈՒՄՆԵՐԸ ՀՍՍՀ-ՈՒՄ

ՆՈՐԱՅՐ ՄԱՆԱՍԵՐՅԱՆ

Մեր օրերում հանրային արտադրության զարգացումն ուղեկցվում է սոցիալ-տնտեսական համեմատաբար արագ տեղաշարժերով ինչպես ամբողջ ժողովրդական տնտեսության, այնպես էլ հատկապես արդյունաբերության և գյուղատնտեսության ասպարեզում: Գյուղատնտեսության բնորոշ առանձնահատկություններից մեկն այն է, որ այստեղ բնական գործոնների ազդեցության կողքին մեծ դեր են խաղում տնտեսության սոցիալական կառուցվածքի փոփոխությունները, որոնք մի կողմից վերաբերում են հանրային և անձնական տնտեսությանը, իսկ մյուս կողմից՝ հանրային սեկտորի ներսում կոնկրետիվ և պետական տնտեսությունների հարաբերակցությանը: Վերջին տասնամյակի ընթացքում դրանց ավելանում է նաև միջտնտեսային ձեռնարկությունների դերի զգալի աճը: Հասկանալի է, որ խոսքն ամենից առաջ այս նյութի հասարակական տնտեսական կառուցվածքի որակական տեղաշարժերի մասին է, որոնք վերաբերում են հատկապես սոցիալիստական սեփականության ձևերի զարգացմանը, բաշխման հարաբերությունների կատարելագործմանը և այլն: Մեզ հետաքրքրում է առանձնապես հանրային գյուղատնտեսության երկու սեկտորների (կոլտնտեսային և սովխոզային) հարաբերակցությունն ու դրանց զարգացման որոշ միտումները և այդ առնչությամբ ժազդող սոցիալ-տնտեսական որոշակի պրոբլեմները: Նկատենք, որ եթե 1965 թ. հանրապետությունում կար 536 կոլեկտիվ տնտեսություն և 203 սովխոզ, ապա 1980 թ. հունվարի 1-ի տվյալներով կոլտնտեսությունների թիվը կազմեց 310, իսկ սովխոզներինը՝ 439¹: Ընդ որում, սովխոզների թիվն ավելացել է և շարունակում է ավելանալ գերազանցապես թույլ կոլտնտեսությունների հաշվին: Դրանք ամենից առաջ լեռնային շրջանների կոլտնտեսություններն են: Եթե կոլտնտեսությունների սովխոզացման վերոհիշյալ միտումն առաջիկայում ևս պահպանվի, ապա մոտ ապագայում լեռնային շրջաններում սովխոզները կդառնան հանրային տնտեսության ոչ միայն տիրապետող, այլև հաճախ միակ ձևը:

Ո՞րն է այդ երևույթի պատճառը և հնարավոր հետևանքը, ինչպիսի՞ն է կոլտնտեսային և սովխոզային արտադրության համեմատական արդյունավետությունը: Քննվող պրոբլեմն ունի մի շարք կողմեր: Նախ կանդաղառնանք հարցի տնտեսական կողմին:

¹ ՀՍՍՀ գյուղատնտեսության միխոտրոթյան և «Народное хозяйство Армянской ССР за 60 лет» (Ереван, 1980) ժողովածուի 99 էջի տվյալներով:

ինչպես պարզվել է շՍՍՀ գյուղմինիստրության գյուղատնտեսական էկոնոմիկայի ու կազմակերպման գիտահետազոտական ինստիտուտի ուսումնասիրություններից, տնտեսապես թույլ կոլտնտեսությունների հիման վրա կազմակերպված 135 սովխոզներում գյուղատնտեսական կուլտուրաների բերքատվության և անասունների մթերատվության ցուցանիշներն աճել են, 'երանք զգալի չափով գերազանցում են այն կոլտնտեսությունների ցուցանիշները, որոնք վեր են ածվել սովխոզների և ընդհուպ մոտենում են սովխոզների համապատասխան ցուցանիշներին մակարդակին: Դա տեղի է ունեցել ոչ միայն պետության կողմից մեծ կապիտալ ներդրումների և տնտեսությունների նյութատեխնիկական բազայի ամրապնդման, այլև դրանց մասնագիտացման համար ավելի լավ պայմանների ստեղծման շնորհիվ: Մասնադիտացված սովխոզների տնտեսական ցուցանիշների վերլուծությունը ևս վկայում է, որ տնտեսապես թույլ կոլտնտեսությունների վերածումը սովխոզների եղել է արդարացված և տնտեսական առումով արդյունավետ²:

Ինչպես տեսանք, շՍՍՀ գյուղմինիստրության գյուղատնտեսական էկոնոմիկայի ու կազմակերպման գիտահետազոտական ինստիտուտը ուսումնասիրության ընթացքում համեմատություն է կատարել նախկին կոլտնտեսությունների և դրանց հիման վրա կազմակերպված սովխոզների տնտեսական ցուցանիշների միջև: Նման կտրվածքով հարցի ուսումնասիրությունը չի կարող սպառիչ լինել, քանի որ համեմատելով Երեվանի կոլտնտեսության և այսօրվա սովխոզի տնտեսական ցուցանիշները, չենք կարող պատկերացում կազմել այն մասին, թե ինչպիսին է նոր կազմակերպված սովխոզների գործունեության մակարդակը հին սովխոզների համեմատությամբ:

Այս հարցը պարզելու նպատակով ընտրել ենք 150 հին սովխոզներ և դրանց 11 տարիների (1965—1975) գործունեության տնտեսական ցուցանիշները համեմատել հանրապետության սովխոզային ամբողջ սեկտորի ցուցանիշների հետ: Այս սովխոզների թիվն ուսումնասիրվող ժամանակաշրջանում մնացել է անփոփոխ: Միևնույն ժամանակ հանրապետության սովխոզների ընդհանուր թիվը, ինչպես նկատեցինք, տարեցտարի ավելանում է: Ուստի և սովխոզային ամբողջ սեկտորի տնտեսական արդյունքների վրա զգալի ազդեցություն է գործել և գործում է նոր կազմակերպվող սովխոզների տնտեսավարման մակարդակը: Այդ ազդեցությունից մեր ուսումնասիրած 150 հին սովխոզների գործունեության ցուցանիշները զերծ են:

Չնայած հանրապետությունում սովխոզների ընդհանուր թիվն անընդհատ ավելացել է, հանգեցնելով դրանց բացարձակ ցուցանիշների (աշխատողների թիվը, հողատարածությունները, հիմնական ֆոնդերը և այլն) աճին այնուամենայնիվ, հիշյալ 150 սովխոզներն այսօր էլ զգալի դեր են խաղում սովխոզային սեկտորի տնտեսական պոտենցիալի մեջ: Այսպես, ըստ մե հաշվարկների, 1975 թ. դրանց բաժին էր ընկնում սովխոզային սեկտորում զբաղված բոլոր աշխատողների ավելի քան 50, հիմնական ֆոնդերի 62,5 հողատարածությունների 55%-ից ավելին:

Տեսնենք, թե ինչ է վկայում մեր ընտրած 150 տնտեսությունների և հանրապետության ամբողջ սովխոզային սեկտորի տնտեսական արդյունքն

² «Вопросы экономики сельского хозяйства Армении», вып. 7, Ереван, 1973 107—115.

համեմատությունը: Նախօրոք նկատենք, որ այդ արդյունքները համադրելի դարձնելու համար տնտեսական ցուցանիշները պետք է հաշվարկվեն հողատարածության 100 հեկտարի կամ աշխատանքային ժախսումների մեկ միավորի հաշվով (աղյուսակ X 1):

Աղյուսակ X 1

2002 սովխոզների տնտեսական ցուցանիշների լարժը (1966—1975 թթ.)³

Ցուցանիշներ	Բոլոր սովխոզները			Համադրելի թվով (150) սովխոզները		
	1966 թ. 1970 թ.	1971 թ. 1975 թ.	շարժ %	1966 թ. 1970 թ.	1971 թ. 1975 թ.	շարժ %
սովխոզների թիվը	232	309	133	150	150	100
գյուղատնտեսական հողերի 100 հեկտարի հաշվով						
հիմնական ֆոնդեր (հազ. ո.)	55,2	70,8	128	51,8	78,1	151
համախառն արտադրանք (1963 թ. համադրելի գներով)	16,4	19,5	119	15,9	19,6	123
ֆոնդահատույց	0,30	0,27	90	0,31	0,25	81
ծախսվել է մարդ-որեր						
100 մարդ-որվա հաշվով	3380	3398	101	3393	2887	85
համախառն արտադրանք (ո.)	489	574	117	467	692	148
աշխատատանրի վարձատրու-թյուն	361	443	123	347	491	141

Ինչպես տեսնում ենք, 150 սովխոզների տնտեսական գործունեության արդյունքները բոլոր ցուցանիշների գծով ավելի բարձր են, քան հանրապետության ամբողջ սովխոզային սեկտորինը: Դա ամենից առաջ երևում է տնտեսական զարգացման տեմպերի օրինակով: Այսպես, ընդհանուր առմամբ հանրապետության սովխոզային սեկտորի հիմնական ֆոնդերը մեկ հեկտարի հաշվով 1966—1975 թթ. ընթացքում ավելացել են 28, իսկ համախառն արտադրանքը՝ 19%-ով: Համադրելի թվով այսինքն՝ 150 տնտեսությունների գծով այդ աճը կազմել է համապատասխանորեն 51 և 23%:

Այսպեղից երևում է, որ և՛ առաջին, և՛ երկրորդ դեպքում ֆոնդահատույցի ցուցանիշը նկատելի չափով նվազել է: Ընդ որում, 150 սովխոզներում այդ ցուցանիշի անկումն ավելի է աչքի ընկնում: Այլ կերպ ասած, դրանցում արտադրության ավելացումը ձեռք է բերվել ավելի թանկ գնով, քան ամբողջ սովխոզային սեկտորում: Իսկ կարելի է բացատրել նրանով, որ հին սովխոզները կարճ ժամանակում ձեռք են բերել արտադրության ավելի բարձր ֆոնդային ավազներ, մեքենայացում և այլն, քան նորերը, սակայն արտադրության զարգացման տեմպերը դեռևս չեն համապատասխանում այդ զինվածությունը: Ընդհակառակը, նոր սովխոզներն արտադրության տեխնիկային

³ Աղյուսակը կազմվել է հանրապետության բոլոր սովխոզների և առանձին վերցրած 150 սովխոզների տարեկան ամփոփ հաշվառությունների տվյալների հիման վրա: Ընդ որում, ուսումնասիրության մեջ ընդգրկվել են զուտ, այսպես ասած, ավանդական գյուղատնտեսական մասնագիտացում ունեցող սովխոզները, չորս են թողնվել ագրոարդյունաբերական տիպի և առանձնահատուկ մասնագիտացված տնտեսությունները (խոզաբուծական, թռչնաբուծական ֆաբրիկաները, տոհմաբուծական, տեկարանային, չեբոնցային տնտեսություններ և այլն): Դրանով իսկ բնութագրված սովխոզների ցուցանիշները համադրելի են մյուս սովխոզների, ինչպես նաև կոլտնտեսությունների ցուցանիշների հետ:

վածությունն տեմպերով ղեռնս հոտ են մնում, ուստի և արտադրության ու նրա ֆունդադին վածության տեմպերի միջև խզումն ավելի քիչ է:

Սակայն 150 սովխոզներում ավելի ցածր ֆունդադատույցը չպետք է դիտել որպես արտադրության ավելի ցածր արդյունավետություն: Բանն այն է, որ արտադրության ավելի բարձր տեխնիկական հագեցվածությունը հին սովխոզներում հնարավորություն է տվել տնտեսելու զգալի չափով կենդանի աշխատանքի ծախսումները: Լեզյուսակից պարզ երևում է, որ եթե սովխոզային ամբողջ սեկտորի առումով կենդանի աշխատանքի ծախսումները միավոր հողատարածության հաշվով 10 տարում մնացել են անփոփոխ (նույնիսկ մի փոքր ավելացել են), ապա հին սովխոզներում դրանք զգալի չափով կրճատվել են, քանի որ արտադրանքի ծավալն այդ տարիներին ավելացել է: Դա նշանակում է, որ այստեղ աշխատանքի արտադրողականությունը նույնպես ավելացել է: Աշխատանքային ծախսումների 100 մարդ-օրվա դիմաց բոլոր սովխոզներում ստացվել է 574 ո. գյուղատնտեսական արտադրանք, իսկ հին սովխոզներում՝ 692 ո. կամ 20,5%-ով ավելի:

Ինչպիսի՞ն է աշխատանքի արտադրողականության ու վարձատրության շարժը և հարաբերությունը սովխոզներում: Հանրապետության սովխոզային ամբողջ սեկտորի առումով աշխատանքի արտադրողականությունն ավելացել է 17, իսկ վարձատրությունը՝ 23%-ով, այսինքն՝ ավելի բարձր տեմպերով: Հետևաբար, այստեղ խախտվել է այդ երկու կատեգորիաների նորմալ, օպտիմալ հարաբերակցությունը: Դա կարելի է բացատրել ամենից առաջ այն բանով, որ սովխոզային սեկտորն ամեն տարի համալրվելով նոր տնտեսություններով, կրել է վերջիններից ցածր տնտեսավարության ազդեցությունը: Նոր սովխոզները կազմակերպվել են մեծ մասամբ լեռնային շրջանների թույլ կոլտնտեսությունների հիման վրա, որոնցում աշխատանքի արտադրողականությունը, բնականաբար, ցածր էր, սակայն, անկախ դրանից, նոր սովխոզները, որպես պետական տնտեսություններ, պետք է ապահովեին իրենց աշխատողների վարձատրության որոշակի նվազագույն չափ, որի հետևանքով էլ վերջինիս տեմպերը գերազանցեցին աշխատանքի արտադրողականության աճի տեմպերին:

Ինչ վերաբերում է 150 սովխոզներին, ապա դրանցում աշխատանքի արտադրողականությունը նախ զգալիորեն ավելի բարձր է եղել և երկրորդ՝ նրա աճը գերազանցել է աշխատանքի վարձատրության աճի տեմպերին (դրանց աճը կազմել է համապատասխանաբար 48 և 41%), այլ խոսքով՝ ապահովվել է այդ երկու ցուցանիշների նորմալ հարաբերակցությունը:

Հանրապետության ամբողջ սովխոզային սեկտորի նկատմամբ մեր ընտրած համադրելի սովխոզների տնտեսավարման ավելի բարձր մակարդակը դժվար չէ բացատրել, եթե նկատի առնենք, որ դրանք կայուն թվով հին սովխոզներ են, որոնք ունեցել են տնտեսավարման երկար տարիների փորձ և ավելի ամուր նյութատեխնիկական բազա, որը և ապահովել է դրանց տրեստեսական դործունեության համեմատաբար լավ արդյունքները: Ի տարբերություն դրան, նոր ստեղծվող սովխոզները պետք է հաղթահարեին մի շարք կազմակերպական և տնտեսական դժվարություններ, այդ իսկ պատճառով դրանց տնտեսավարման ցածր մակարդակը անխուսափելիորեն պետք է բացասաբար անդրադառնար սովխոզային ամբողջ սեկտորի միջին ցուցանիշներին վրա:

Այժմ անդրադառնանք քննվող պրոբլեմի մյուս ոչ պակաս կարևոր կողմին՝ կոլտնտեսային և սովխոզային արտադրության համեմատությանը: Ամենից առաջ, բնականաբար, հետաքրքիր է այդ երկու սեկտորների տնտեսական ցուցանիշների համեմատումը: Առանձին քննելով այս հարցը⁴, արդեն նշել ենք, որ ընդհանուր առմամբ հանրապետության կոլտնտեսային սեկտորում հողօգտագործման արդյունավետությունը (գյուղատնտեսական հողերի յուրաքանչյուր հեկտարից ստացվող արդյունքի արժեքը համադրելի դնելով) զգալիորեն գերազանցում է սովխոզային սեկտորի նույն ցուցանիշը: Կոլտնտեսային արտադրության այդ առավելությունն առանձնապես ակնհայտ է Արարատյան դաշտում: Միևնույն ժամանակ կոլտնտեսային և սովխոզային արտադրության զարգացման տեմպերի համեմատությունը լեռնային շրջաններում հակառակ պատկերն է բացահայտում: Պարզվում է, որ այդ շրջանների սովխոզները 8-րդ և 9-րդ հնդամյակների ընթացքում (1966—1975) գյուղատնտեսական հողերի մեկ հեկտարից ստացվող արդյունքի միջին տարեկան ծավալը շատ թեքիչ ավելացրել է, մինչդեռ կոլտնտեսություններում այն զրեթե մնացել է նախկին մակարդակի վրա: Իրա հետևանքով լեռնային շրջանների սովխոզները մեկ հեկտարից ստացվող արդյունքի ծավալով ընդհուպ մոտեցել են կոլտնտեսություններին, իսկ աշխատանքի արտադրողականության բացարձակ ցուցանիշով (մեկ մարդ-օրվան ընկնող արտադրանքի մեծությամբ) արդեն գերազանցում են դրանց⁵:

Լեռնային շրջաններում սովխոզային սեկտորի տնտեսական ցուցանիշների այս առավելությունը պետք է բացատրել հիմնականում վերարտադրության բոլոր օղակներում (սկսած արտադրության նյութատեխնիկական մատակարարումից մինչև աշխատավորների վարձատրության որոշակի մակարդակի ապահովումը) պետության ֆինանսանյութական ակտիվ միջամրտությամբ:

Ինչպես հայտնի է, սովխոզներում ավելի բարձր է աշխատավորների զբաղվածության մակարդակը, ավելի լավ են լուծվում սոցիալական ապահովման հարցերը և այլն: Անտարակույս, սրանով պետք է բացատրել այն հանրահայտ երևույթը, որ մեր հանրապետության լեռնային շրջաններում շատ կոլտնտեսություններ վերածվել և վերածվում են սովխոզների: Նշված ընդհանուր օրինաչափությունից բացի, կոլտնտեսային և սովխոզային սեկտորի ցուցանիշների ուսումնասիրությունն ըստ առանձին գյուղատնտեսական գոտիների, ի հայտ է բերում երկու կարևոր առանձնահատկություն: Իրանցից առաջինն այն է, որ կոլտնտեսային սեկտորի ներսում աշխատավորների սոցիալ-տնտեսական պայմանների գոտիական շերտավորումը գրեթե մնում է նույնը, իսկ երբեմն էլ խորանում է, մինչդեռ սովխոզների համար ավելի բնորոշ է այդ պայմանների համահարթման միտումը: Այլ կերպ ասած, սովխոզային սեկտորում ստեղծվում են աշխատողների վարձատրության և հանրային ֆոնդերի կուտակման շատ թեք հավասար հնարավորություններ՝ բոլոր գոտիներում աշխատող ձեռնարկությունների համար⁶:

⁴ «Լենինյան ուղիով», 1978, № 2, էջ 69—75:

⁵ Նույն տեղում, էջ 71:

⁶ Այս հարցի առանձին ուսումնասիրությունը ցույց է տալիս, որ 1965—1975 թթ. աշխատանքի վարձատրության միջըջանային շեղումները կոլտնտեսություններում մնացել են նույնը,

Երկրորդ տնտեսահատկությունը կապված է տնտեսական մակարդակների գոտիական շերտավորման բնույթի հետ, որը կոլտնտեսություններում ու սովխոզներում միանգամայն այլ է և առայժմ խարսխվում է տարբեր շարժառիթների ու հիմքի վրա։ Պարզվում է, որ սովխոզային սեկտորի ներսում գոյություն ունեցող տնտեսական շերտավորումը շունի որոշակի և հաստատուն աշխարհագրություն։ Դա առավել ցայտուն է դրսևորվում աշխատանքի արտադրողականության և վարձատրության ցուցանիշների գոտիական տատանումների օրինակով։ Քանի որ աշխատանքի վարձատրությունը, որպես կանոն, կախված է նրա արտադրողականությունից, ապա բնական է սպասել, որ այդ երկու ցուցանիշների գոտիական տարբերակումը պետք է հիմնականում միատեսակ լինի։ Սակայն, եթե կոլտնտեսային սեկտորի ներսում դա այդպես է, ապա սովխոզներում՝ ոչ։ Այսպես, օրինակ, մեր հաշվարկների համաձայն 1971—1975 թթ. աշխատանքի արտադրողականության սամենաբարձր մակարդակը (այսինքն 100 մարդ-օրվա հաշվով համախառն արտադրանքի արժեքը) եղել է Արարատյան դաշտի սովխոզներում, նվազագույնը՝ Վայոց ձորում։ Ինչ վերաբերում է աշխատանքի վարձատրությանը, ապա դրա ամենաբարձր մակարդակն ապահովել են նախալեռնային գոտու, իսկ ամենացածրը՝ Լոռի-Փամբակի սովխոզները։ 8-րդ հնդամյակում լավ և վատ ցուցանիշներ ունեցող գոտիների միջև դարձյալ համապատասխանություն չի եղել։ Այսպիսով, սովխոզային սեկտորում աշխատանքի արտադրողականության և վարձատրության գոտիական շիջումները կարծես որևէ օրինաչափության չեն ենթարկվում (համեմատյան դեպս այդ երկու ցուցանիշների գոտիական տատանումները միմյանցից «անկախ» են ընթանում)։

Միանգամայն այլ է պատկերը կոլտնտեսային սեկտորում։ Այստեղ, ինչպես աշխատանքի արտադրողականության, այնպես էլ վարձատրության առավելագույն և նվազագույն ցուցանիշները կայուն կերպով կապված են որոշակի գոտիների հետ։ Հիշյալ երկու ցուցանիշների ամենաբարձր մակարդակը 8-րդ և 9-րդ հնդամյակների տարիներին եղել է Արարատյան դաշտում, իսկ ամենացածրը՝ Սևանի ավազանի կոլտնտեսություններում։ Այլ կերպ ասած, կոլտնտեսային սեկտորի տնտեսական ցուցանիշների գոտիական շերտավորումը ենթարկված է որոշակի օրինաչափության, մասնավորապես կոլտնտեսականների աշխատանքի վարձատրության գոտիական տարբերությունները համընկնում են աշխատանքի արտադրողականության աստիճանագրում նույնպիսի տարբերությունների հետ։ Նույնն է վկայում նաև կոլտնտեսությունների շահութաբերության, կուտակման և սպառման ցուցանիշների ուսումնասիրությունը։

Այսպիսով, կոլտնտեսությունների տնտեսական գործունեության արդյունքները որոշակիորեն կախված են բնական պայմանների ազդեցությունից։ Իհարկե, դա բնավ չի նշանակում, որ սովխոզային արտադրությունը զերծ է բնական պայմանների ազդեցությունից, չափ և վատ հողակլիմայական պայմանները հավասարապես ազդում են և՛ կոլտնտեսությունների, և՛ սովխոզների գործունեության անմիջական սկզբնական արդյունքների, բեր-

մինչև սովխոզներում մեղմացել են։ Հնդ որում, բոլոր շրջանների կոլտնտեսությունների վարձատրության առավելագույն և նվազագույն չափի հարաբերությունը եղել է 1:4,5. իսկ սովխոզի աշխատողներին՝ 1:2,5 («Проблемы экономического выравнивания в сельском хозяйстве», Ереван, 1978, с. 19).

քառվածության, եկամտաբերության վրա և այլն: Սակայն եթե կոլտնտեսություններն իրենց գոյության առաջին օրվանից լինելով տնտեսաշխարհային ձեռնարկություններ, կուտակման և սպառման մակարդակը որոշում են ելնելով սեփական եկամտատնտեսից, ապա սովխոզներում տնտեսական այդ երկու դործոնների կապը միեւն ալժամ էլ խիստ սպառնական է, քանի որ պետությունն ակտիվորեն միջամտում է սովխոզներում վերաբաշխության պրոցեսի գրեթե բոլոր օղակներին:

Վերևում անդրադարձանք աշխատանքի արտադրողականության և վարձատրության հարաբերության հարցին: Այժմ բերենք մի քանի տվյալներ, որոնք բնութագրում են սովխոզային և կոլտնտեսային սեկտորների եկամտաբերությունը և կուտակումները (աղյուսակ № 2):

Աղյուսակ № 2

Հայկական ՍՍՀ կոլտնտեսությունների ու սովխոզների
եկամտեսները և կուտակումները (1978)7

Ց ու ց ա ն ի շ ն ե ր	Կոլտնտեսություններ	Սովխոզներ
1. (ապրանքային արտադրանքի իրացումից ստացված գումարը դմլն ու.)	204,2	304,9
2. ուտ եկամուտ (շահույթ) (մլն ու.)	25,8	9,6
3. կապիտալ ներդրումներ	31	90,7
4. այդ թվում պետությունի հաշվին	—	61,9
5. պետությանի երկարատև վարկի հաշվին	16,4	0,421
6. վարկերի տեսակարար կշիռը կապիտալ ներդրումների մեջ (%)	49,7	0,5
7. կապիտալ ներդրումները 100 մարդ-օրվա հաշվով (ո.)	149	302

Աղյուսակից երևում է, որ սովխոզներն իրացրել ու վաճառել են շուրջ 1,5 անգամ ավելի շատ ապրանքային արտադրանք, քան կոլտնտեսությունները, սակայն բարձր ծախսերի հետևանքով սովխոզների իրացրած շահույթի գումարն անհամեմատ ավելին է, քան կոլտնտեսություններինը: Սակայն սովխոզները կատարել են 2,7 անգամ ավելի կապիտալ ներդրումներ, քան կոլտնտեսությունները: Այդ տարբերությունը բխում է նրանից, որ կուտակման աղբյուրները կոլտնտեսություններում ու սովխոզներում էապես տարբերվում են: Կոլտնտեսությունները կուտակումներ են կատարում հիմնականում սեփական եկամտների և պետականից ստացած երկարատև վարկերի հաշվին, որոնք ենթակա են վերադարձման՝ որոշակի տոկոսի վճարումով: 1978 թ. բանկային վարկի հաշվին է կատարվել հանրապետության կոլտնտեսային սեկտորի կուտակումների գրեթե 50%-ը: Ինչ վերաբերում է սովխոզներին, ապա դրանց կուտակումների վճռական մասը (շուրջ 2/3-ը) իրականացվում է պետական բյուջեի հաշվին: Սեփական զուտ եկամուտը դեռևս քիչ դեր է խաղում կուտակումներ կատարելու դործում, իսկ բանկային վարկի դերը աննշան է: Սովխոզների կապիտալ ներդրումների գումարը, ինչպես երևում է աղյուսակից, ավելի քան 10 անգամ գերազանցում է սեփական զուտ եկամուտը:

Վերը բերված տվյալները վկայում են, որ հանրապետության սովխոզների մեծ մասը դեռևս ըստ էության չի անցել լրիվ տնտեսական հաշվարկի, որը յուրաքանչյուր տնտեսությունից սպանանում է կատարել բոլոր ծախ-

7 Հաշվարկը կատարվել է ՀՍՍՀ կոլտնտեսությունների և սովխոզների տարեկան ամփոփ հաշվետվությունների տվյալների հիման վրա:

սերը, այդ թվում աշխատանքի վարձատրությունը, կուտակումները և այլն, սեփական միջոցների և աղբյուրների հաշվին: Լեյդուհանդերձ, վերջին տասնամյակի ընթացքում երկրում այդ ուղղությամբ զգալի աշխատանք է կատարվել. այսպես, եթե 1963—1964 թթ. ընթացքում ՍՍՀՄ սովխոզների դրամական միջոցների շուրջ 59%-ը ստացվում էր սեփական արտադրանքի իրացումից, իսկ 41%-ը՝ պետական բյուջեից, ապա 1976—1977 թթ. այդ հարաբերությունը փոխվեց հօգուտ առաջին աղբյուրի և կազմեց 80:20: Այսպիսով, սեփական միջոցների դերը սովխոզներում աճել է 21 կետով (59-ից մինչև 80%): Դա իր հերթին որոշակիորեն անդրադարձել է ընդլայնված վերարտադրության սեփական և պետական աղբյուրների հարաբերակցության վրա: Ինչպես հայտնի է, վերարտադրության աղբյուրներն ըստ բնույթի երեքն են. տնտեսաշարկային (սեփական ղուտ հիմամուտ կամ շահույթ). բյուջետային և վարկային: Թե 1977 թ. ինչպիսին էր դրանց հարաբերակցությունը կոլտնտեսություններում և սովխոզներում, երևում է № 3 աղյուսակից:

Աղյուսակ № 3

Ընդլայնված վերարտադրության աղբյուրների հարաբերակցությունը
կոլտնտեսություններում և սովխոզներում (1977)⁹

Ցուցանիշներ	ՍՍՀՄ		Հայկական ՍՍՀ	
	կոլտնտեսություններ	սովխոզներ	կոլտնտեսություններ	սովխոզներ
Ընդլայնված վերարտադրության բոլոր աղբյուրները (%)	100	100	100	100
այդ թվում				
սեփական միջոցներ (շահույթ, ամորտիզացիա) %	60,9	9,5	50,3	38,0
պետական միջոցներ %	6,8	72	—	54,1
պետականի երկարատև վարկեր %	32,3	18,5	59,7	7,9

Այսպիսով, երկրի կոլտնտեսություններում վերարտադրության հիմնական աղբյուրը սեփական միջոցներն են. զգալի դեր են խաղում նաև բանկային երկարատև վարկերը: Վերջին տարիներին զգալի դրական տեղաշարժ է կատարվել սովխոզների վերարտադրության աղբյուրների միջև, մասնավորապես զգալի գեր են սկսում խաղալ բանկային վարկերը (18,5%): Սովխոզներն ավելի ու ավելի հաճախ են դիմում փոխառու (բանկային) միջոցների օգտագործմանը, որոնք աստիճանաբար գալիս են փոխարինելու բյուջետային անվերադարձ ֆինանսավորմանը: Այլ կերպ ասած, գնալով նվազում է անվերադարձ պետական ֆինանսավորման դերը և համապատասխանաբար մեծանում վարկային միջոցներին, որը, անտարակույս, նշանավորում է տնտեսաշարկային հարաբերությունների ուժեղացումը:

Մեր հանրապետության կոլտնտեսությունները ընկժող հարցի տեսանկետից աչքի են ընկնում նրանով, որ վերարտադրության աղբյուրների մեջ սե-

⁸ «Вопросы экономики», 1978, № 8, с. 71.

⁹ «Плановое хозяйство». 1979, № 3, с. 91. «Հայաստանի ժողովրդական տնտեսություն», 1979, № 3, էջ 58.

փական և փոխառու (բանկային) միջոցները չավասար դեր են խաղում: Այլ կերպ ասած, նրանք կապիտալ ներդրումների կեսը կատարում են սեփական, մյուս կեսը՝ փոխառու միջոցների հաշվին: Ինչ վերաբերում է սովխոզներին, ապա նրանցում վերարտադրության ընթացքում սեփական միջոցների դերն անհամեմատ ավելի մեծ է, քան ՍՍՀՄ սովխոզներում (38% և 9,5%): Դա, ինչ խոսք, լավ է և կարծես թե վկայում է տնտեսաշարժիկն անցնելու հնարավորությունների մասին: Իրականում, սակայն, այդ հնարավորությունը չի իրացվում, քանի որ սեփական միջոցների պակասը սովխոզները հատուցում են ոչ թե բանկային վարկերի (որը միանգամայն օրինաչափ կլիներ), այլ գրեթե բացառապես պետական բյուջեից կատարվող ֆինանսավորման հաշվին:

Թե ինչու են սովխոզները ֆինանսավորումը «ղերադասում» վարկավորումից, դժվար չէ բացատրել: Մի շարք սուբյեկտիվ պատճառների հետ միասին կան նաև օբյեկտիվ հանգամանքներ: Սովխոզների մեծ մասն աշխատում է հանրապետության լեռնային շրջանների դժվարին պայմաններում: Էնդ որում, դրանց մի զգալի մասը կազմակերպվել է վերջին տարիների ընթացքում և դեռևս չի հաղթահարել կազմակերպական և այլ բնույթի դժվարությունները, ուստի ժամանակ է պետք, որպեսզի այդ տնտեսություններն ամրանան, դառնան վարկունակ և բյուջետային միջոցների փոխարեն աստիճանաբար դիմեն վարկային միջոցների օգտագործմանը:

Այսպիսով, սովխոզներն ավելի շատ միջոցներ ունեն արտադրության զարգացման համար, սակայն դրանց վճռական մասը ստացվում է պետական բյուջեից: Հետևաբար, վերարտադրությունն այստեղ չի խառնվում ներքին աղբյուրների, ներքին տնտեսաշարժիկին շարժառիթների վրա: Ինչ վերաբերում է կոլտնտեսություններին, ապա հայտնի է, որ նրանք ստեղծված օրվանից աշխատել և աշխատում են տնտեսաշարժիկի սկզբունքով: Ծիշտ է, կոլտնտեսությունների տրամադրության տակ ավելի քիչ նյութական և ֆինանսական միջոցներ կան, քան սովխոզների, բայց անժխտելի է նաև այն փաստը, որ առաջիններում այդ միջոցներն ավելի խնայողաբար և արդյունավետ են օգտագործվում: Ուստի և անդրադառնալով թույլ կոլտնտեսությունները սովխոզների վերածելու պրոցեսին, նշենք, որ այստեղ գործ ունենք հակասական երևույթի հետ, որի դրական կողմերը չի կարելի գերազանցատել կամ շարժառիթներ, քանի որ դա կարող է հանգեցնել սխալ հետևանքների: ՍՄԿ-ն իր ծրագրային փաստաթղթերում ու որոշումներում բազմիցս զգուշացրել է, որ զարգացման արդի փուլում անհրաժեշտ է ըստ ամենայնի օգտագործել սոցիալիստական սեփականության երկու հիմնական ձևերի առավելությունները և հնարավորությունները: Դա հավասարապես վերաբերում է և՛ կոլտնտեսային, և՛ պետական սեփականությանը:

Այս կապակցությամբ հարց է ծագում, թե ինչպես անել, որպեսզի տնտեսությունների կոլտնտեսային ձևը մեր հանրապետության մի շարք շրջաններում ոչ թե փոխարինվի պետականով, այլ լրացվի՝ վերջինիս առավելություններով: Թույլ կոլտնտեսությունների սովխոզացման հիմնական շարժառիթը, ինչպես նկատեցինք, նրանց տնտեսական դժվարությունների հաղթահարման հռաժանկարն է՝ պետական ֆինանսավորման և նյութատեխնիկական մատակարարման հաշվին: Ուստի և ավելի կոնկրետ մեր հարցադրումը կարելի է այսպես ձևակերպել. չի՞ կարելի արդյոք տնտեսապես թույլ կոլտնտեսություններին

պետության օգնությունն իրականացնել առանց նրանց սովխողացման: Մենք համոզված ենք, որ դա ոչ միայն կարելի է, այլև անհրաժեշտ է իրականացնել: Այդ հնարավորությունը և անհրաժեշտությունը բխում է պետության և գյուղատնտեսական ձեռնարկությունների փոխադարձ տնտեսական հարաբերությունների ընդհանուր հաշվեկշռի ուսումնասիրությունից: Բանն այն է, որ գյուղատնտեսական արտադրանքի մթերման ու մանրածախ գների գոյություն ունեցող համակարգը պետությանը հնարավորություն է տալիս գյուղատնտեսական ձեռնարկություններից զանձել նրանց մոտ գոյացող հավելյալ արդյունքի գերակշռող մասը, այդ թվում ամբողջ հողային ռենտան, որը կենտրոնացված է պետական քյուլեեում, հատկապես այսպես կոչված շրջանառության հարկի ձևով: Այդ արդյունքի զգալի մասը պետությունը նորից վերադարձնում է գյուղ՝ գյուղատնտեսության մեջ կատարվող կապիտալ ներդրումների կամ սովխողային արտադրության ուղղակի ֆինանսավորման և այլ ձևերով (այդ ձևերի մեջ որոշ տեղ է գրավում նաև թույլ կոլտնտեսությունների մոտ ժամանակ առ ժամանակ գոյացող պարտքերի դուրս գրումը):

Մենք չենք առաջարկում կոլտնտեսային արտադրության ուղղակի ֆինանսավորում (սովխողային արտադրության օրինակով): Իս պարզապես անհամատեղելի կլինեն կոլտնտեսային սեփականության բնույթի հետ: Սակայն միանգամայն հնարավոր է անհրաժեշտ է տնտեսապես թույլ կոլտնտեսությունների նկատմամբ, որոնք աշխատում են վստթարագույն պոտիններում, կիրառել նրանց հանրորեն անհրաժեշտ ծախսերի փոխհատուցման այլ ձև՝ պետական-հասարակական ֆոնդերի, իսկ ավելի ճիշտ՝ պետության մոտ կենտրոնացվող գյուղատնտեսության հավելյալ արդյունքի և ռենտային եկամուտների հաշվին: Ընդ որում, տնտեսապես թույլ կոլտնտեսություններին հասարակական միջոցները պետք է տրամադրվեն ոչ թե, այսպես ասած, ֆինանսական օգնության կամ նպաստի ձևով, այլ ելնելով դրանց տնտեսական գործունեության արդյունքներից, օրինակ, արտադրած կամ իրացրած (պետությանը վաճառած) արտադրանքի ծավալից, այսինքն՝ տնտեսավարկային հիմունքներով, միաժամանակ հաշվի առնելով այս կամ այն շրջանի (տնտեսության) օգտագործած հողերի տնտեսական գնահատման տվյալները:

Զխորանալով այս առաջարկի մանրամասների մեջ, նշենք միայն, որ խոսքն ըստ էության ռենտային վճարների կամ հավելումների համակարգի մասին է, որը տարբեր ձևերով այժմ կիրառվում է Միության առանձին հանրապետություններում (էստոնական ՍՍՀ, Վրացական ՍՍՀ և այլն):

Մեկ անգամ ևս շեշտենք հետևյալ հիմնական միտքը: Մեր հանրապետության լեռնային շրջանների գերակշռող մասում գյուղատնտեսության բնական պայմանները խիստ անբարենպաստ են, կոլտնտեսային և սովխողային արտադրության ծախսերը առավելագույնի են հասնում և շատ հաճախ չեն հատուցվում գործող մթերման գներով: Այստեղից բխող դժվարությունները հաղթահարելու երկու ուղի կա: Առաջինը պահանջում է զգալի շափով բարձրացնել գյուղատնտեսական արտադրանքի գնման-մթերման գները, որը նպատակահարմար չէ, քանի որ վերջին հաշվով կարող է հանգեցնել մանրածախ գների համադաշնային բարձրացմանը, դրանից բխող բոլոր անցանկալի հետևանքներով հանդերձ: Մանրածախ գների բարձրացման ազդեցությունը չեզոքացնելու համար, իր հերթին, կպահանջվեն համա-

պատասխանորեն բարձրացնել բնակչության բոլոր խավերի դրամական եկամուտները (աշխատավարձը, թոշակները, կենսաթոշակները և այլն), որի հետևանքով անհրաժեշտություն կառաջանար վերակառուցել գների և եկամուտների բարդ շղթայի գոյություն ունեցող համակարգը: Ինչ խոսք, որ այդ ուղին և՛ գյուրին չէ, և՛ չի համապատասխանում կուսակցության տնտեսական քաղաքականության արդի պահանջներին, Հիշեցնենք, որ 1994 թ. XXV համագումարի պահանջներից մեկն է. «շարունակել պարենային և ոչ պարենային հիմնական ապրանքների պետական մանրածախ գների կայունությունն ապահովելու գիծը»¹⁰:

Ընդհանրապես շրջանների հասարակական ծախսերի հատուցման երկրորդ հիմնական ուղին, մեր համոզմամբ, կապված է ունեցողի հավելվածների տնտեսաշվարկային համակարգի իրականացման հետ: Թափի որ վատթարագույն բնատնտեսական պայմաններում աշխատող ձեռնարկությունները պետության նկատմամբ կատարում են որոշակի տնտեսական պարտավորություններ գյուղատնտեսական արտադրանքի մթերումների, ինչպես նաև այլ զծերով, ապա միանգամայն ակնհայտ է, որ դրանց կատարած գոնե միջին ծախսերը նույնպես ենթակա են հասարակական հատուցման՝ ապրանքային տնտեսության օրենքների օբյեկտիվ պահանջների հիման վրա: Ի՞նչ այդ փոխհատուցումը չի կարող կատարվել գների բարձրացման միջոցով, որի մասին արդեն խոսեցինք, ապա կարող է և պետք է կատարվի ֆինանսական, ունեցողի-հարկային եղանակներով, ձեռքով:

Ընդհանրապես շրջանների կոլտնտեսություններին պետության ցույց տված օգնությունը կարող է ունենալ նաև ոչ անմիջական արտադրական բնույթի Պետությունը որոշակի օգնություն պետք է ցույց տա հատկապես տնտեսապես թույլ կոլտնտեսություններին՝ ոչ արտադրական ոլորտի օբյեկտների շինարարությունը ֆինանսավորելու միջոցով, որը կապահովի բնական տարբեր գոտիներում աշխատող մարդկանց կենսապայմանների աստիճանական մերձեցումը:

Վերջապես, գոյություն ունի կոլտնտեսային սեկտորի «թույլ օղակներին» օգնություն ցույց տալու մեկ այլ ձև, որը կապված է տնտեսությունների ավելի խոր մասնագիտացման հետ և պահանջում է լեռնային շրջանների տնտեսությունների մի մասն ազատել գյուղատնտեսական արդյունքի որոշ տեսակների մթերումների կենտրոնացված առաջադրանքից: Բա նրանց նախադրություն կտա ավելի լավ, նպատակասլաց օգտագործել հողային, աշխատանքային և նյութական ռեսուրսները, դրանք կենտրոնացնելով երկուերեք ապրանքային ճյուղերի արագ զարգացման ուղղությամբ:

Տնտեսապես թույլ կոլտնտեսություններին տնտեսական պայմանների բարելավման վերը նշված ուղիները մի նպատակ ունեն՝ ապահովել այդ կոլտնտեսությունների վերարտադրությունը սկիզբից միջոցների հիման վրա, գործի ղեկավար նրանց զարգացման ներքին ազդակները: Հասնել դրան, նշանակում է շեղոքացնել, ի չիք դարձնել տնտեսապես թույլ կոլտնտեսությունների սովորագրման այն միտումի ներքին շարժառիթները, որոնք միանգամայն պարզորոշ կերպով դրսևորվում են այսօր:

10 1994 թ. XXV համագումարի նյութերը, Երևան, 1976, լք 322:

Պետք է նկատել, որ Միության մյուս հանրապետություններում կոլտնտեսությունների թիվը վերջին տարիներին կայունացել է: Իսկ նշանակում է, որ դադարեցված է դրանց վերածումը սովխոզների: Ցավոք, նույնը չի կարելի ասել մեր հանրապետության մասին: Վերջին 15 տարիների ընթացքում, ինչպես տեսանք, ՀՍՍՀ կոլտնտեսությունների թիվը պակասեց 226-ով: 1965 թ. 536 կոլտնտեսության դիմաց այսօր ունենք միայն 310-ը: Ընդ որում, միայն 1975 թ. հետո 171 կոլտնտեսություն վերածվեցին սովխոզների: Այդ երևույթը պատահական չէ և վկայում է մեր հանրապետության գյուղատնտեսության պայմանների բացառիկ անբարենպաստ լինելու մասին: Իհարկե, կասկած չկա, որ նշված կոլտնտեսությունների վերածումը սովխոզների հիմնականում տնտեսապես արդարացված, հիմնավորված է եղել, և դրանց գործունեությունը որպես պետական տնտեսություն՝ տվել է դրական արդյունքներ: Միաժամանակ շնորհ կարող անվերապահորեն պնդել, որ կոլտնտեսությունների վերածումը սովխոզների բոլոր դեպքերում դրական արդյունքով է պսակվում:

Տնտեսության կոլտնտեսային ձևից սովխոզայինն անցնելը թեկուզև լուծում է նրա ֆինանսական դժվարությունները, սակայն ըստ էության չի փոխում վերարտադրության տնտեսական պրոբլեմների բնույթը: Այն փոխում է վերջիններիս արտաքին ձևը միայն, կամ երկարաձգում դրանց լուծման ժամկետները: Եվ իրոք, եթե որևէ թույլ կոլտնտեսություն անկարող է իրականացնել վերարտադրությունը տնտեսաշարժի սկզբունքներով, ապա սովխոզի վերածելը հազիվ թե անմիջապես վերացնի այդ անկարողությունը, քանի որ այս դեպքում տնտեսության հոգսերը պարզապես փոխադրվում են պետական բյուջեի վրա: Մինչդեռ, ամբողջ խնդիրն այն է, որպեսզի գտնվեն և գործի դրվեն տնտեսպես թույլ կոլտնտեսությունների էկոնոմիկայի զարգացման ներքին շարժառիթներն ու խթանները: Խոսքն ամենից առաջ մեր հանրապետության լեռնային շրջանների մասին է: Այսօրվա կոլտնտեսությունների թիվը այսօր շուրջ 2 անգամ զիջում է սովխոզների թվին (195 և 380) և հետագա նվազման միտում ունի: Ուստի, եթե հրատապ միջոցներ չձեռնարկվեն, ապա ոչ հեռու ապագայում կստեղծվի մի իրավիճակ, երբ լեռնային շրջաններում կունենանք շնչին բացառությամբ միայն սովխոզներ, իսկ կոլտնտեսություններ միայն Արարատյան դաշտում:

Ինչ խոսք, որ այդպիսի հեռանկարը լուրջ մտորումների առիթ է տալիս, առաջացնելով հետևյալ պարադոքսը. տնտեսության պետական (համաժողովրդական) ձևն անտարակույս ավելի առաջադիմական է կոլտնտեսայինի (կոոպերատիվ) համեմատ, և վերջինս պետք է հասնի առաջինին՝ արտադրողական ուժերի բարձր մակարդակի զարգացման հետևանքով: Մինչդեռ, մեր լեռնային շրջաններում հանրային գյուղատնտեսության կոլտնտեսային ձևն արագորեն վեր է ածվում պետականի՝ առաջինի քեղաքաղաքական պատճառով: Բնականո՞ն է արդյոք հանրային սեփականության զարգացման այդպիսի եղանակը. իհարկե, ոչ:

Հանրային գյուղատնտեսության կոլտնտեսային ձևն այսօր ունի զարգացման ոչ նվազ ռեզերվներ ու հնարավորություններ, քան սովխոզայինը: Իսկ որ ամենագլխավորն է, այսօր դիմել թույլ կոլտնտեսությունների սովխո-

¹¹ «Народное хозяйство Армянской ССР в 1978 году», Ереван, 1979, с. 65.

դասքանակը, նշանակում է շրջանցել, թուիչը կատարել զարգացման դեռևս անավարտ փուլի վրայով, անթույլատրելի հասկանալիություն ցուցաբերել ապագան «արագացնելու» ուղղությամբ:

Եվ այսպես, հանրային տնտեսության զարգացումը լեռնալին շրջաններում պահանջում է. առաջինը, ազելի մեծ ներդրումներ այդ շրջանների գյուղատնտեսության ինտենսիվացման և եղած ռեսուրսների լրիվ օգտագործման նպատակով, Ընդ որում, հիշյալ ներդրումները պետք է կատարվեն հասարակության կողմից՝ ինչպես պետական, այնպես էլ կոլտնտեսային սեկտորում, նկատի ունենալով հատկապես վերջինիս նյութա-տեխնիկական բազան սովորողների մակարդակին հասցնելու անհրաժեշտությունը: Նրկրորդ, նյութական միջոցներից բացի, ոչ պակաս կարևոր է նաև լեռնային շրջանների համար սոցիալ-տնտեսական լծակների և խթանների առանձնահատուկ համակարգի կիրառումը, որը թույլ կտա առանց լրացուցիչ միջոցներ ծախսելու գործի դնելու հանրային տնտեսության զարգացման ներքին տնտեսաշարժարկային շարժառիթները Այս հարցերը հատուկ լուսաբանման կարիք ունենւ նշենք միայն, որ չափազանց ուսանելի է վրացական ՍՍՀ-ում վերջերս կիրառված փորձը, որի շնորհիվ նախկինում ետ մնացող Աբաշայի շրջանը շեշտակի վերելք ապրեց և այժմ գրավել է գյուղատնտեսության ասպարիզի աշխատողների համակ ուղադրությունը¹²:

Չարգացած սոցիալիստական հասարակարգի տնտեսական մեխանիզմի խելացի օգտագործումը յուրաքանչյուր հանրապետության, մարզի կամ շրջանի կոնկրետ պայմանների հաշվառմամբ այն հզոր զենքն է, որի միջոցով կարելի է տանել հանրային գյուղատնտեսությունը և գյուղը՝ մեր ցանկացած հունով:

НЕКОТОРЫЕ ТЕНДЕНЦИИ РАЗВИТИЯ ОБЩЕСТВЕННОГО СЕЛЬСКОГО ХОЗЯЙСТВА В АРМ. ССР

НОРАИР МАНАСЕРЯН

Резюме

Из анализа основных экономических показателей колхозного и совхозного секторов следует, что в целом по колхозному сектору продуктивность землепользования и темпы его увеличения в расчете на единицу площади значительно выше, чем в совхозах. В то же время в горных районах республики это преимущество—за совхозами, здесь также выше производительность и оплата труда. Этим объясняется превращение многих колхозов горных районов в совхозы. Так, из 536 колхозов республики в 1965 г. к началу 1980 г. осталось всего 310, а число совхозов за это время возросло с 203 до 439, главным образом за счет превращения в совхозы экономически слабых колхозов.

¹² Константин Лордкипанидзе, Что произошло в Абаше?, Тбилиси, 1979.

Экономические показатели вновь образованных совхозов—выход продукции с 1 га, производительность труда и др., значительно превышают показатели бывших колхозов, на базе которых они были организованы.

В то же время превращение экономически слабых колхозов в совхозы—сложное противоречивое явление. Оно решает финансовые трудности горных хозяйств, но не решает по существу экономических проблем воспроизводства. Решение последних требует, во-первых, укрепления материально-технической базы колхозов горных районов с помощью государства, во-вторых, применения специфической системы экономического стимулирования колхозов и колхозников этих районов, реализации внутренних, хозрасчетных стимулов развития общественного хозяйства.